

Polisi Cloi mewn Argyfwng Lockdown Policy

Ysgol Tryfan



**Llofnodwyd ar ran Cadeirydd y Llywodraethwyr:
*Signed on behalf of the Chair of Governors:***



**Dyddiad Cymeradwyo: Gorffennaf 2026
*Date of Approval:***

**Dyddiad Adolygu: Gorffennaf 2027
*Review Date:***

1. Cefndir

Ar adegau prin iawn, efallai y bydd angen cau'r ysgol fel nad yw'n bosib i unrhyw un gael mynediad o'r tu allan. Bydd hyn yn sicrhau bod disgyblion, staff ac ymwelwyr yn ddiogel mewn sefyllfaoedd lle mae perygl ar dir yr ysgol neu yng nghyffiniau'r ysgol.

Dylai gweithdrefnau Cloi mewn Argyfwng gael eu hystyried yn ymateb synhwyrol a chymesur i unrhyw ddigwyddiad allanol neu fewnol sydd â'r potensial i beri bygythiad i ddiogelwch staff a myfyrwyr yr ysgol. Nod y gweithdrefnau yw amharu cyn lleied â phosibl ar yr amgylchedd dysgu, wrth sicrhau diogelwch yr holl ddisgyblion a'r staff. Gellid bod angen gweithredu gweithdrefnau Cloi mewn Argyfwng ar gyfer nifer o sefyllfaoedd, ond gallai rhai o'r rhai mwyaf nodweddiadol fod:

- yn cael gwybod am ddigwyddiad/aflonyddwch sifil yn y gymuned leol (gyda'r potensial i beri risg i staff a disgyblion yn yr ysgol);
- Rhywun heb ganiatâd ar safle'r ysgol (gyda'r potensial i beri risg i staff a disgyblion);
- Rhybudd yn cael ei dderbyn ynglŷn â risg yn lleol, o lygredd aer (pluen fwg, cwmwl nwy ac ati);
- Tân mawr yng nghyffiniau'r ysgol;
- Ci peryglus yn crwydro'n rhydd gerllaw'r ysgol.

2. Rhoi gwybod bod angen Cloi mewn Argyfwng

Cenir cloch yr ysgol 10 gwaith am gyfnodau byr iawn i hysbysu staff bod rhaid rhoi'r weithdrefn cloi mewn argyfwng ar waith ar unwaith. Mae hyn yn nodi i holl staff fod yr ysgol yn CLOI MEWN ARGYFWNG YN LLAWN

Cenir cloch yr ysgol 5 gwaith am gyfnodau byr iawn i hysbysu staff bod rhaid rhoi'r weithdrefn cloi yn rhannol ar waith ar unwaith. Mae hyn yn nodi i holl staff fod yr ysgol yn CLOI YN RHANNOL

Bydd neges byr am natur y Cloi mewn argyfwng yn cael ei osod ar y sianel "Cloi Mewn Argyfwng" yn Teams yr ysgol yn unig. Mae hyn mewn ymgais i leihau cyfathrebu anorfod. Mi fydd aelod o'r UDA yn gyfrifol am hysbysu yr uned iaith.

Bydd neges destun yn mynd i rieni i'w hysbysu fod yr Ysgol wedi'i chloi mewn argyfwng boed hynny wrth ymarfer neu mewn digwyddiad real.

Gweler Atodiad 1 ar gyfer esiamplau o negeseuon

3. Rheoli sefyllfa Cloi mewn Argyfwng

Caiff y sefyllfa ei rheoli gan yr UDA a dylai'r holl staff barhau i aros mewn sefyllfa 'Cloi mewn Argyfwng' hyd nes i aelod o'r UDA neu aelod o'r gwasanaethau brys ddweud fel arall wrthynt yn ffurfiol.

3.1 Rolau staff unigol:

- Dylai staff blaen y Swyddfa alw'r heddlu yn dilyn arweiniad gan yr UDA ar unwaith.
- Dylai drws y brif fynedfa gael ei chloi (goriad) os yn ddiogel i wneud hynny.
- Dylai'r Pennaeth/UDA gloi'r drysau magnetig drwy ddefnyddio'r system "Net2 access control".
- Dylai Staff unigol mewn ystafelloedd dosbarth gloi/cau drws (drysau) dosbarth a ffenestri gan ddiffodd y goleuadau.
- Y staff arlwygo i gloi pob drws i'r gegin a diffodd y goleuadau gan symud i leoliadau oddi wrth y ffenestri/drws.
- Gwybodaeth gynhwysfawr ond cryno (os yn ymarferol bosib) o'r digwyddiad yn cael ei rannu ar TEAMS STAFF gan yr UDA – (e.e. unigolyn diethr ar y safle, disgybl wedi gwylltio – y manylion DDIM i'w rannu ymhellach gyda disgyblion).

4. Cynllun Cloi mewn Argyfwng

4.1 RHANNOL

Hysbysiad a roddir i staff: 'CLOI'N RHANNOL MEWN ARGYFWNG'

Gall hyn fod o ganlyniad i ddigwyddiad/ymyrraeth sifil yn y gymuned leol sydd â'r potensial i beri risg i staff a disgyblion yn yr ysgol. Gall hefyd fod o ganlyniad i dderbyn rhybudd ynghylch perygl llygredd aer ac ati.

Gweithredu ar unwaith:

- Pob gweithgaredd awyr agored yn dod i ben ar unwaith, disgyblion a staff yn dychwelyd i mewn i'r adeilad;
- Pob aelod staff a disgyblion i aros yn yr adeilad;
- Y pennaeth/UDA yn cloi'r drysau allanol yn unig drwy ddefnyddio'r system "Net2 access control".
- **Yn ddibynol ar yr amgylchiadau** mae'n bosib gellir caniatáu symud yn rhwydd o fewn yr adeilad ac i'r adeiladau eraill. Cyfarwyddyd a chadarnhad o hynny i ddod gan yr UDA drwy Teams.

Mae pob sefyllfa yn wahanol. Pan fydd yr holl staff a disgyblion yn ddiogel y tu mewn, bydd UDA yr Ysgol yn cynnal asesiad risg parhaus a deinamig yn seiliedig ar gyngor e.e. gan y gwasanaethau brys. Gellir cyfleu hyn i'r staff a'r disgyblion trwy defnydd TEAMS.

Mae 'Cloi'n rhannol mewn Argyfwng' yn fesur rhagofalus ond mae'n rhoi'r ysgol **mewn sefyllfa o barodrwydd** (wrth gadw rhywfaint o normalrwydd) pe bai'r sefyllfa'n gwaethgu.

Os oes problem llygredd aer, gellir cau fentiau awyr (lle bo modd) fel rhagofal ychwanegol. Bydd y gwasanaethau brys yn cynghori ynghylch y ffordd orau o weithredu mewn perthynas â'r bygythiad sy'n bodoli.

- **Ni ddylai staff ryddhau disgyblion o un wers i'r nesaf hyd nes i chi gael cadarnhad ei bod yn ddiogel i wneud hynny gan aelod o'r UDA.** Mae'r cloi-rhannol yn ddibynol ar natur yr argyfwng yn y lle cyntaf.
- Gall cloi rhannol ddigwydd o ganlyniad i gloi mewn argyfwng yn cael ei israddio mewn modd pwylllog a rhagofalus wrth arwain at agor yn llawn eto.

4.2 CLOI'N LLAWN MEWN ARGYFWNG

Hysbysiad a roddir i staff: 'CLOI'N LLAWN MEWN ARGYFWNG'

Golyga hyn bod bygythiad uniongyrchol i'r ysgol a gall fod yn gam ymlaen o sefyllfa o Gloi Rhannol mewn Argyfwng.

Cloi Mewn Argyfwng yn ystod cyfnod Gwersi

- Pob gweithgaredd awyr agored yn dod i ben ar unwaith, disgyblion a staff yn dychwelyd i mewn i'r adeilad. (e.e. Addysg Gorfforol i ddychwelyd i'r Gampfa)
- Drysau allanol wedi'u cloi. (Aelodau o'r UDR a Tim Gweinyddol yn gyfrifo aml gloi'r drysau magnetig ar y system Net 2)
- Bydd yr aelod UDA sydd yn gyfrifol am gloi y drysau magnetig yn cloi y drysau cyn gynted a phosib. Asesiad risg dynamig yw hwn a bydd yr aelod yma yn gwneud y penderfyniad gorau ar sail y dystiolaeth sydd ar gael ar y pryd.
- Drysau ystafell ddosbarth wedi'u cloi (gan ddefnyddio y clo mewnol); dylid cau/cloi unrhyw ffenestri, llenni wedi'u tynnu, disgyblion yn eistedd yn dawel allan o olwg ffenestri/drysau allanol (e.e. o dan ddesg neu o amgylch cornel). Goleuadau, byrddau clyfar a sgriniau cyfrifiaduron wedi'u diffodd;

- Y gofrestr wedi'i chwblhau - gall y Swyddfa gysylltu â phob dosbarth yn ei dro i gael adroddiad presenoldeb os yw hi'n ddiogel i'r swyddfa wneud hynny;
- Bydd disgyblion neu staff nad ydynt yn y dosbarth am ryw reswm pan genir yr arwydd argyfwng (e.e. gan eu bod yn y toiled) yn mynd i'r ystafell ddosbarth agosaf ac yn aros yno.
- Disgyblion sy'n ystafell waith/gyffredin y 6ed – dylent fynd i'r ystafell ddosbarth â goruchwyliaeth staff agosaf e.e. Yst A6/A7.
- Dylai staff a disgyblion aros yn y fan a'r lle nes eu bod yn cael gwybod fel arall gan unai aelod o'r UDA neu'r gwasanaethau brys. **Os yw'r larwm tân yn canu ar unrhyw adeg yn ystod y cyfnod o Gloi mewn Argyfwng dylid gadael yr adeilad ar unwaith.**
- Os yw'n ymarferol, dylai staff roi gwybod i'r brif swyddfa dros y ffôn os oes yna ddisgyblion heb gyrraedd y dosbarth ond dylem wneud pob ymdrech i gadw'r llinellau ffôn yn glir drwy gadw sgysiau yn fyr.
- Yn ystod y cyfnod Cloi mewn Argyfwng bydd y staff yn cadw llinellau cyfathrebu cytunedig ar agor a ni fyddant yn gwneud galwadau diangen i'r brif swyddfa rhag peri oedi o ran cyfathrebu pwysicach.
- Dylid hefyd reoli'r defnydd o ffonau symudol gan staff a disgyblion rhag i unigolion e.e. rheini/gwarcheidwaid bryderu ac i negeseuon anelwig eu cyrraedd.

NI DDYLAI FOD UNRHYW UNIGOLION YN SYMUD O GWMPAS YR YSGOL

- Staff i gefnogi plant i gadw'n dawel a llonydd.
- Cyn gynted ag y bo modd ar ôl i'r cyfnod Cloi mewn Argyfwng ddod i ben dylai athrawon a disgyblion ddychwelyd i'w ystafelloedd dosbarth arferol ar gyfer y wers benodol sy'n digwydd bryd hynny, er mwyn gallu galw'r gofrestr a rhoi gwybod i'r Swyddfa ar unwaith am unrhyw ddisgybl na chaiff eu cyfrif.
- Dylid cael sgwrs adferol gyda'r disgyblion. Adnabod unrhyw unigolyn sydd wedi'i heffeithio'n emosiynol yn dilyn y digwyddiad. Dylai unrhyw aelod o staff sydd wedi'i heffeithio hefyd gael cynnig cefnogaeth llesiant ac emosiynol. UDA i hwyluso sgysiau a threfnu cefnogaeth os oes aelod o staff yn mynegi gofid.

Cloi Mewn Argyfwng yn ystod Amser di gyswllt (e.e. cinio ac egwyl)

Gweithredu ar unwaith:

- Pob disgybl i ddychwelyd i'r ystafell agosaf. Bydd y disgyblion yn casglu yn y Gampfa, Ffreutur a'r Neuadd, o dan arweiniad y staff sydd ar ddyletswydd ar y pryd, yn yr ardaloedd hynny. Os oes Athrawon yn eu ystafell dosbarth, yna dylai'r athro annog disgyblion i mewn atynt.
- Drysau allanol wedi'u cloi. (Aelodau o'r UDA a Tim Gweinyddol yn gyfrifol am y cloeon magnetig)
- Bydd yr aelod o'r UDA sydd yn gyfrifol am gloi y drysau magnetig yn penderfynu cloi y drysau pan y credir fod y disgyblion i gyd i mewn ac yn ddiogel yn yr adeilad. Asesiad risg dynamig yw hwn a bydd yr aelod yma yn gwneud y penderfyniad gorau ar sail y dystiolaeth sydd ar gael ar y pryd.
- Drysau ystafell ddosbarth wedi'u cloi. Ffenestri wedi'u cau/cloi, llenni wedi'u tynnu, disgyblion yn eistedd yn dawel allan o olwg ffenestri/drysau allanol (e.e. o dan ddesg neu o amgylch cornel). Goleuadau, byrddau clyfar a sgriniau cyfrifiaduron wedi'u diffodd;
- **NID YW HI'N BOSIB GWNEUD Y GOFRESTR**
- Drws ystafell athrawon wedi ei gloi.
- Dylai staff a disgyblion aros yn y fan a'r lle nes eu bod yn cael gwybod fel arall gan unai aelod o'r UDA neu'r gwasanaethau brys. Os yw'r larwm tân yn canu ar unrhyw adeg yn ystod y cyfnod o Gloi mewn Argyfwng dylid gadael yr adeilad ar unwaith.
- Yn ystod y cyfnod Cloi mewn Argyfwng bydd y staff yn cadw llinellau cyfathrebu cytunedig ar agor ond ni fyddant yn gwneud galwadau diangen i'r swyddfa ganolog rhag peri oedi o ran cyfathrebu pwysicach.
- Dylid hefyd reoli'r defnydd o ffonau symudol gan staff a disgyblion rhag i unigolion e.e. rheini/gwarcheidwaid bryderu ac i negeseuon anelwig eu cyrraedd.

- **NI DDYLAI UNRHYW UNIGOLYN SYMUD O GWMPAS YR YSGOL**
- Staff i gefnogi plant i gadw'n dawel a llonydd.

CLOI MEWN ARGYFWNG YN DIRWYN I BEN

- Bydd neges hefyd yn cael ei roi ar TEAMS Staff a galwadau ffôn gan yr UDA a'r brif swyddfa'n cadarnhau ei fod ar ben.
- Cyn gynted ag y bo modd ar ôl i'r cyfnod Cloi mewn Argyfwng ddod i ben dylai athrawon a disgyblion fynd i'w gwers ddynodedig ar gyfer yr amser hynny (os ydi'r cyfnod clo yn dirwyn i ben yn ystod amser egwyl neu ginio dylai pob unigolyn fynd i gwers 3 neu 5) er mwyn gallu galw'r gofrestr a rhoi gwybod i'r Swyddfa ar unwaith am unrhyw ddisgyblion na chawsant eu cyfrif.
- Gall yr UDA benderfynu Cloi yn rhannol yn dilyn cloi mewn argyfwng, er mwyn sicrhau fod digon o amser i wirio fod disgyblion a staff yn ddiogel ac wedi ymdawelu. Mesur yw hyn i osgoi gormod o symud ar y safle yn dilyn Cloi llawn ac i ni agor yn llawn eto mewn modd pwylllog a rhagofalus. Bydd y wybodaeth yma'n cael ei rhannu yn Teams.
- Yn dilyn unrhyw ddigwyddiad o Gloi bydd yr UDA yn cyfarfod yn fuan wedi'r digwyddiad er mwyn adolygu'r prosesau ac addasu unrhyw weithdrefnau fel yr angen.

5. Gwasanaethau Brys

Mae'n bwysig parhau i gyfathrebu â'r Gwasanaethau Brys gan mai hwy sydd yn y sefyllfa orau i gynnig cyngor wrth i sefyllfa ddatblygu. Yn ddibynol ar ddifrifoldeb y sefyllfa gall y gwasanaethau brys fod yn amgylchynu'r Ysgol ac yn atal unrhyw un ddod at y safle. Byddant yn cefnogi penderfyniad y Pennaeth ynglŷn ag amseriad cyfathrebu â rhieni.

Os bydd y sefyllfa'n parhau'n hir neu'n fwy difrifol, gall yr awdurdod lleol ddarparu cymorth dyngarol drwy sefydlu Canolfan dderbyn ar gyfer teulu a ffrindiau y tu allan i'r ardal sydd wedi'i hamgylchynu.

6. Cyfathrebu â Rhieni

Dylid rhannu gwybodaeth â rhieni ynghylch y weithdrefn Cloi mewn Argyfwng ac yn benodol ynghylch y trefniadau ar gyfer cyfathrebu â'r rhieni mewn sefyllfa o'r fath, yn rheolaidd naill ai drwy gylchlythyr arferol neu drwy wefan yr ysgol.

Os digwydd sefyllfa Cloi mewn Argyfwng, dylid rhoi gwybod i'r rhieni am unrhyw ddigwyddiad neu ddatblygiad cyn gynted ag sy'n ymarferol gwneud hynny. Mae'n amlwg y bydd rhieni'n poeni ond bydd cyfleu gwybodaeth gywir yn rheolaidd yn helpu i leddfu gormod o bryder.

Dylid rhoi digon o wybodaeth i rieni am yr hyn fydd yn digwydd er mwyn iddynt:

- Fod yn dawel eu meddwl bod yr ysgol yn deall eu pryder am les eu plentyn, ac yn gwneud popeth posibl i sicrhau ei dddiogelwch;
- Beidio cysylltu â'r ysgol. Gallai galw'r ysgol glymu llinellau ffôn sydd eu hangen i gysylltu ar y Gwasanaethau Brys;
- Beidio dod i'r ysgol. Gallent ymyrryd â mynediad y Gwasanaethau Brys i'r ysgol a rhoi eu hunain ac eraill mewn perygl;
- Aros i'r ysgol gysylltu â nhw ynghylch pryd mae'n ddiogel iddyn nhw ddod i nôl eu plant, ac o le y dylent eu nôl

Mae'r ysgol yn deall bod rhieni'n poeni am les eu plant ac fe fydd popeth posib yn cael ei wneud i sicrhau diogelwch y disgyblion. Fodd bynnag, bydd angen i'r rhieni ddeall os yw'r ysgol mewn sefyllfa Cloi mewn Argyfwng Llawn ni fydd unrhyw un o bosib yn ymateb i alwadau ffôn, bydd y drysau allanol ar glo ac na fydd neb yn cael mynd i mewn nac allan o'r adeilad.

7. Ymarferion Cloi Mewn Argyfwng

Bydd ymarferion Cloi mewn Argyfwng yn digwydd o leiaf unwaith y flwyddyn er mwyn sicrhau bod pawb yn gwybod yn union beth i'w wneud mewn sefyllfa o'r fath. Bydd yr ymarferion yn cael eu monitro a rhoddir adborth i staff fel bod modd gwella'r weithdrefn lle bo'r angen

8. Adolygu'r Polisi a'r weithdrefn

Bydd y polisi a'r gweithdrefnau hyn yn cael eu hadolygu'n flynyddol fel rhan o'r cynllun tân a gadael brys a'r polisi lechyd a Diogelwch yn ogystal â wedi unrhyw ddigwyddiad o Gloi.

Atodiad 1 Negeseuon Esiampl.

YMARFER

Ar ddechrau'r ymarfer:

YMARFER CLOI LAWYR YSGOL TRYFAN Er gwybodaeth, mae'r Ysgol yn cynnal YMARFER cloi ar hyn o bryd. Byddwn yn eich hysbysu pan fydd yr ymarfer ar ben. Peidiwch a chysylltu â'r Ysgol na dod i gasglu eich plentyn. Byddwn yn eich diweddarw cyn gynted ag y bo modd. Diolch

PRACTICE DRILL YSGOL TRYFAN LOCKDOWN FYI the School is currently undertaking a Lockdown DRILL procedure. We will inform you when this practice drill is over. Please do not contact the school or come to collect your child. We will keep you updated as soon as possible. Thank you.

Ar ddiwedd yr ymarfer:

YMARFER CLOI LAWYR YSGOL TRYFAN *PRACTISE LOCKDOWN DRILL* Er gwyb, mae'r YMARFER cloi wedi dirwyn i ben. *FYI the Lockdown DRILL is now over. Diolch / Thank you*

CLOI YN RHANNOL

Ar ddechrau'r Cloi yn Rhannol:

CLOI YN RHANNOL YSGOL TRYFAN Er gwybodaeth, mae'r Ysgol yn cloi yn rhannol ar hyn o bryd. Byddwn yn eich hysbysu pan fydd hyn ar ben. Peidiwch a chysylltu â'r Ysgol na dod i gasglu eich plentyn. Byddwn yn eich diweddarw cyn gynted ag y bo modd. Diolch

PARTIAL LOCKDOWN YSGOL TRYFAN FYI the School is currently undertaking a Partial Lockdown. We will inform you when this is over. Please do not contact the school or come to collect your child. We will keep you updated as soon as possible. Thank you.

Ar ddiwedd yr Cloi yn Rhannol:

CLOI YN RHANNOL YSGOL TRYFAN *PARTIAL LOCKDOWN* Er gwyb, mae'r cloi wedi dirwyn i ben. *FYI the Lockdown is now over. Diolch / Thank you*

CLOI YN LLAWN

Ar ddechrau'r Cloi yn Llawn:

CLOI YN LLAWN YSGOL TRYFAN Er gwybodaeth, mae'r Ysgol yn cloi yn Llawn ar hyn o bryd. Byddwn yn eich hysbysu pan fydd hyn ar ben. Peidiwch a chysylltu â'r Ysgol na dod i gasglu eich plentyn. Byddwn yn eich diweddarw cyn gynted ag y bo modd. Diolch

FULL LOCKDOWN YSGOL TRYFAN FYI the School is currently undertaking a Full Lockdown. We will inform you when this is over. Please do not contact the school or come to collect your child. We will keep you updated as soon as possible. Thank you.

Ar ddiwedd yr Cloi yn Llawn:

CLOI YN LLAWN YSGOL TRYFAN *FULL LOCKDOWN* Er gwyb, mae'r cloi wedi dirwyn i ben. *FYI the Lockdown is now over. Diolch / Thank you*



SIART LLIF CLOI MEWN ARGYFWNG

